

ढोडनी कीक्को सूदड़र?

HOW DIARRHOEA WILL BE TREATED?



BHAGAVAT MEHANIYA

Bharia

ढुडनी कीक्को सूदड़र?
HOW DIARRHOEA WILL BE TREATED?

Bhagavat Mehaniya

Bharia
Chhindwara, Madhya Pradesh, India



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

पूस्पा गीता से पूछरी, “तू चाड़े फेर असपताला में
जावछस?” ता गीता बोलरी की “मोरी छावी को ढोडनी
मीलारा आछर।



ता होराको सूज्जी लगानाक लाय हमें जावछन।

ता फेर पूस्पा गीता से काहरी की, “मोय ताहांको पहलय
बी काहरावं। सूज्जी लगवानेय से ढोडनी बंद नी होवर।



तूमरय घरा में तूमहेय कछू कर सकाछा।” ता गीता बोलरी,
“बनो एराक चमड़ा ढील्ला होय गराय।”

पूस्पा होरा से बोलरी, “हो ढंगा से पानी नी पीवछर।


तेराक मारा होराक चमड़ा ढील्ला भीरा आछर।



एक झाड़ घेंक आछर जेरा पानी नी मील्लर ता सूकी

जार।”

या छावा को पीयानाक लाय तूमहे कछू बनाही। चोखा पानी
को ऊकलाय के होरा गलाव करना आछर। हो पानी को
चोखी गीलासा में लेके एक चम्ची सककर



अर तन्नक नोन मीलाही।
हो गीलास बढानाक बाधा में दूसरा गीलास पीयाना आछर।
होराको लघघड़ी पीयातेय रही।

करीबन एक दीना में 6-8 गीलास पानी पीयाना आछर।

ढोडनी से छावाक बदन झटकाय जार अर घामा में बी

होराक बदन झटकाय जार।




तेराक मारा गल्ले पानी पीयाना आछर। सांटाक रस बी

पीयाही ता बी अच्छा आछर। ढोडनी मीलाहीर ता नाज

दाल अर केरा,मेवा अर दूसरा कछू कछूनक फल खवाही।

कलेवा खानाक अर हगनाक बाधा में हात धोही। बनो तूमरा
छावा दीना में छे बारा से जादय हगना जार अर गूह बीछला
अर खून वारा होहीर



अर तीन बार से जादय ऊखलछर अर जूर चढढछर अर
लग्घड़ी पेट दूख्खछर अर 5-6 दीना में ढोडनी बंद नी
होव्वछर ता तूमहे तूरतय होराको डाक्टर कने लेजाही।

ढोडनी कीक्को सूदड़र?
(ढागवत मेहनीया)